



# DOAIBMAMUITALUS 2011

# **1 OBBALAČČAT**

## **1.1 Jahkečoahkkin**

Jahkečoahkkin lágiduvvui miessemánu 22. beaivve Ohcejogas Goržán stobus. Oasseváldit ledje 12.

Jahkečoahkkin válljii searvvi ságadoallin Birit Vuolab, várreságadoallin Vieno Länsman, stivralahttun Niilo, Kalevi Länsman, Kaaren Kittu ja Satu Nieminen ja värrelahttun Esko Aikio, Ara Aikio, Maarit K. Pieski, Niillas J Holmberg ja Torkel Rasmussen.

Rehketdoallin lea doaibman Marja-Riitta Lukkari ja Čállin Merja Pieski jagi 2011 lohppii.

Muđuid jahkečoahkkinoasseváldit gieđahalle dábálaš jahkečoahkkináššiid. Čoahkkima maŋŋá searvi guossohii buot oasseváldiide mállása, gáfe ja nisoláibbi.

## **1.2 Stivrabargu**

Stivra lea čoahkkanan jagi 2011 áigis 6 háve.

## **1.3 Suoma Sámiid Guovddášsearvi – SSG**

Sámi Siidda ovddasteaddjit leat váldán oasi SSG jahkečoahkkimii mii dollojuvvui Roavvenjárggas skábmamánu 3.-4.. beaivvi 2011.

## **1.4 Servodaga ovddideapmi**

Ságadoalli lea váldán oasi Ohcejoga eará servviid čoahkkimiidda ja maiddái gieldda ja guolástangotti čoahkkimiidda. Ságadoalli lea maid válljejuvvon mángga searvvi stivrra lahttun dahje värrelahttun, nu ahte lea maid hállan- ja guldalan-vuoigatvuohta.

## **1.5 Sámegiela ja –kultuvrra ovddideapmi**

Searvi lea geahččalan ovddidit sámegiela geavahusa buot searvvi doaimmaid oktavuodas. Torkel Rasmussen oassálasttii ja muitalii Sámi Siidda gielladoaimmaid birra ja makkár vuordamušat leat ealáskahttinprográmmii Anáris 29.08. 2011.

Sámi Siidda lea mieđihan stipeanddaid nuoraide, geat leat čájehan erenoamáš beroštumi sámegilii sihke skuvllas ja skuvlla olggobealde. Stipeanddaid ožžo j. 2011 Gáregasnjárgga skuvllas Laura Pieski ja Christer Rasmus ja Ohcejoga skuvllas Hilda Länsman ja Sunna Länsman.

## **1.7 Miediduvvon veahkkeruđat**

Sámediggi: Sámi Talent Deatnu 2011 dáhpáhusii 3500 €, mearreruhta nuppástahttui 30.11.2011 Ohcejoga bándarieggá CD-skierru čohkkemii.

Sámediggi: Skábmadoaluide 3000 €

Sámediggi: Doaibmadoarjja 5000 €

Sámiráđi: Sámi Talent Deatnu 2011 dáhpáhusii 3000 €, mearreruhta lea nuppástahtton 7.11.2011 Báikenammaprošeavtta geavahussii

EBI-guovddáš: Sámegielat eahketbeaiverieggáide lohkanjahkái 2011-2012: 4000 €

Oahpahusministeriija: Sámegiela nuoraidkultuvrra ovddideapmái 11000 €

Oktiibuot: 30 500 €

## **2 DOAIMMAT**

### **2.1 Álbmotbeaidoalut**

Sámi Siida lágidit álbmotbeaivedoaluid 6.2.2011 Ohcejotnjálmmi skuvllas. Beaivái gulai kulturprográmma, beaivvi sárdni ja sámi mállásat. Doaluide oassálaste measta beannot čuođi olbmo.

### **2.3 Skábmadoalut**

Sámi Siida lágidii Skábmadoaluid 9.-13.11. 2011. Gaskavahku leai Ima Aikio- Arianaick "Ima hutkosat, konsearta ja divttat" fárus maid lávlut ja musihkkárat Niillas Holmberg, Hildá Länsman, Roope Mäenpää ja Miro Mantere. Duorastaga ledje Áilegas-dálu rahpanmárkanat ja lávvardaga čájehii Sámi Siida/Torkel Rasmussen filmmaid mánáide. Sotnabeaivve ledje oaivedoalut, gos čájehuvvojedje moadde videofilbma ja Toivo Lukkari máinnastii ja dán maŋŋá ledje gumpposmállásat. Dáhpáhusas ledje badjelaš čiehčalogi oassálaste.

### **2.4 Sámedikki válgadilálašvuohta**

Searvi lágidii Sámedikki áirrasevttothasaide válgadilálašvuođa Ohcejogas čakčamánus. Olbmot besse gullat evttohasaid oainnuin ja jearadit, mo sii áigot ovddidit dán guovllu áššiid.

## **3 DIEHTOJUOHKIN**

### **3.1 Ruovttusiiddut**

Sámi Siidda ruovttusiidduid gávdná <http://www.samisiida.org>. Siidduid dikšun lea heittot dilis.

### **3.2 Eará diehtujuohkin**

Sámi Siida lea almmuhan doaimmaid sihke almmolaš almmuhanbáikkiin ja Inarilainen-áviissas.

## **4 NUORAIDDOAIMMAT**

### **4.1 Bándarieggát**

Oktan dehálaš doaibman lea leamaš nuoraid bándadoaibma. Bándarieggát lea doaibman Ohcejogas ja Gáregasnjárggas. Bándadoaibma bisánii miessemánus sihke Gáregasnjárggas ja Ohcejotnjálmis go mearreruđat nohke.

### **4.2 Vuojudanvuorut**

Searvi lea lágidan Ohcejotnjálmmi vuojadansáles sámegeielat vuojudanvuoru vuossárggaid mánáide ja nuoraide sihke iežas lahtuide. Vuojadeaddjit leamašan sullii 20-50 juohke háve.

## **5 EÁRA DOAIMMAT**

### **5.1 Báikenammaprošeakta**

Sámi Searvi álgá čohkket dieđuid Ohcejoga historjjás ja báikenamain. Searvi álgá jearahallat boares olbmuid geain vel leat dieđut báikenamain, sogain ja dološ eallimis. Dát dieđut čohkkejuvvojit internet- siidduide ja CD-Romii. Pohjoisimman Lapin Leader juolludii ruhtadeami 13.12.2011 prošeavtta várás. Prošeakta biddjo johtui j. 2012 álggus.